


Waageclique Rhywälle

www.waagecliquerhywaelle.ch

Fasnacht 2018



Basel 1991

Sujet:

**Mit em QR-Code, dicht fir Wind und Wätter,
macht s dr Buessezedel ainewääg nit nätter.**

Dr Bebbi Basler wott, trotz Wessels, in dr Stadt parkiere
und fir d Platzsuecherei nadyrlig jo kai Zyt verliere.
Trotz Baudepartemänt gseht är e grossi Lugge,
won är si Superschlitta schnäll ka ynedrugge.
Dä Blatz isch fir Gieterumschlag reserviert,
mir wisse, dass ihn das gar nit intressiert.
Stolz parkiert är und lauft dervo,
doch kuum isch är furt, stoht e Schuggermysli do:
Und jetzt wird s biblisch

Lukas 5:32 *Ich bin gekommen die Sünder zur Busse zu rufen.*

Si fillt e Buesse-Zeedel mitem Laptop uss,
fir d Gaffer in dr Stross isch das e Gnuss.
Uffem Zeedel stoht wieviel är em Staat muess brenne,
d Iberträttig kame nur per QR-Code erkenne.
Flink glemmt si dä Zeedel im Schybbewischer yy,
lauft gmietlig dervo und lächlet derby.

Kolossaer 3

*Denn der der Unrecht tut, wird davontragen was er verschuldet,
da gilt kein Ansehen der Person.*

Dr Bebbi kunnt zrugg, gseht dr Zeedel und es paggt en d Wuet.
Är foht afo flueche, wie mes in so Situatione so duet.
Autifahrer schigganiert me in däre kaibe Stadt,
ich ha das bleede Verkehrsregime so richtig satt.

Römer 3, 13-4

*Ärger wird zur Sünde, wenn man ihm erlaubt
ohne Beschränkung zu überkochen.*

Dr Bebbi luegt dä QR-Codezeedel verzwyflet a,
nadyrlig duet är kai Smartphone uff sich ha.
Jetzt stoht är do wies letschte Dotteli,
ohni Smartphone gits au kai QR-Code Foteli.
Uffem Zeedel stoht, mache si kai Gschrei,
Information ibere QR-Code gits bi dr Bolizei.

Moses 49,18 *Ich vertraue auf deine Hilfe, o Herr*

Wenns au si letschte Närv duet koschte,
macht är sich uff Wääg zem näggschte Boschte.
Dä isch gschlosse, das macht ihn nomeh muff,
doch nonem glopfe macht e Schugger uff.

Matthäus 7

Klopfet an, so wird euch aufgetan und bittet so wird euch gegeben.

Dr Schugger uffem Schuggerboschte,
sait ihm wieviel die Buess wird koschte.
Är verzellt ihm was uffem QR-Code stoht,
vor Wuet wird dr Bebbi giggelroot.

Lukas 24:15

Da öffnet er ihnen das Verständnis, dass sie die Schriften verstanden

Ich ha doch nur ganz kurz parkiert, kame die Buess lo sy?
Ich bi doch sunscht immer e brave Autofahrer gsi.
Due im Kreisel immer blingge und mi aschnalle,
Lehn si die Buess lo sy, mache si mir dä Gfalle!

Matthäus 6, 14-6

*Denn wenn ihr dem Menschen ihre Verfehlung vergebt,
so wird euch auch vergeben.*

S git kai Meegligkait die Buess lo z schiesse,
d Finanzfrau Herzog wurd is nit begriesse
und s Schuggermysli wurd au druurig si,
drum lehn mir uff kai Fall die Buess lo sy.

Sprüche Luther 13:11

*Hastig errafftes Geld zerrint,
wer aber ruhig sammelt, bekommt immer mehr.*

So ändet do unsere himmlische Bricht,
iber die QR-Code Buessegschicht.
Gwinne duet immer d Obrigkeit,
dr Sicherheitsdiräggtter hett das gsait.
Drum isch Quintessänz esoo,
muesch di aifach nit verwitsche lo.

Luther Apostelgeschichten

*Tut Busse und bekehret euch,
dass eure Sünden getilgt werden.*

Dää Zeedel het is wie allewyyle d Druggerei Bürgin in Birsfælde druggt.
Häärzlige Dangg.